



I. ATALA
BIZKAIKO LURRALDE HISTORIKOKO FORU ADMINISTRAZIOA
Bizkaiko Foru Aldundia

Ingurune Naturala eta Nekazaritza Sustatzeko Saila

Bizkaiko Foru Aldundiaren 45/2024 FORU DEKRETUA, apirilaren 25ekoa. Honen bidez, konpentsazio-laguntza batzuk ezartzen dira Bizkaiko Lurralde Historikoko Mendi-nekazaritzako eremuetako eta beste alde behartsu batzuetako nekazaritza-sektorerako, eta 2024rako deialdia egiten da.

Erakunde onuradunak	Estatuko 2023-2027 Nekazaritza Politika Arruntako Plan Estrategikoko 6613 neurrian aurreikusitako Bizkaiko Lurralde Historikoko nekazaritzako ustiatzeen titularrak diren pertsona fisiko eta juridikoak.
Dirulaguntzak jaso dezaketen jarduerak	Mendi-nekazaritzako eremuetan dauden zailtasun naturalak konpentsatzea Mendi-eremuak ez diren baina muga natural nabarmenak dituzten eremuetako zailtasun naturalak konpentsatzea
Bideratutako aurrekontu orokorra	2.554.922 euro
Emakida araubidea	Norgehiagokarik gabeko prozedura
Eskaeren epea	Epearen amaiera: 2024ko Eskaera Bakarra aurkezteko gaitutako datak
Harremanak	Landa Garapenerako Zerbitzua: Agirre Lehendakariaren etorbidea 9, 2. solairua. Bilbo 48014

1962an Nekazaritza Politika Bateratua (NPB) sortu zenetik, politika hori sektorearen erronketara eta herritarren behar berrietara egokitzen joan da, hainbat erreformaren bidez.

NPBren azken erreforma 2021eko abenduan amaitu zen, oinarriak ezartzen dituzten hiru erregelamendu argitaratuta eta, dagozkien erregelamendu eskuordetu eta bete-arazpenekoekin batera, 2023-2027 aldian NPBren aplikazioa araututa, luzapen posibleei kalterik egin gabe:

- Alde batetik, 2021/2115 (EB) Erregelamendua, Europako Parlamentuarena eta Kontseiluarena, 2021eko abenduaren 2koa, nekazaritza politika bateratuaren esparruan (NPBren plan estrategikoak) estatu kideek landu behar dituzten plan estrategikoetarako laguntzari buruzko arauak ezartzen dituena, Nekazaritza Bermatzeko Europako Funtsaren (NBEF) eta Landa Garapenerako Europako Nekazaritza Funtsaren (LGENF) kontura finantzatua, eta 1305/2013 (EB) eta 1307/2013 (EB) Erregelamenduak indargabetzen dituena.
- Bestalde, Europako Parlamentuaren eta Kontseiluaren 2021/2116 (EB) Erregelamendua, 2021eko abenduaren 2koa, nekazaritza politika bateratuaren finantza-ketari, kudeaketari eta jarraipenari buruzkoa eta 1306/2013 (EB) Erregelamendua indargabetzen duena.
- 2022ko maiatzaren 4ko Batzordearen 2022/1172 (EB) Erregelamendu Eskuordetua, Europako Parlamentuaren eta Kontseiluaren 2021/2116 (EB) Erregelamendua osatzen duena, Nekazaritza Politika Bateratua Kudeatzeko eta Kontrolatzeko Sistema Integratuari eta administrazio-zehapenen aplikazioari eta kalkuluari dago-kienez, baldintzazkotasunaren esparruan.
- Batzordearen 2022/1173 (EB) Bete-arazpen Erregelamendua, 2022ko maiatzaren 31koa, Europako Parlamentuaren eta Kontseiluaren 2021/2116 (EB) Erregelamendua aplikatzeko xedapenak ezartzen dituena, Nekazaritza Politika Bateratua Kudeatzeko eta Kontrolatzeko Sistema Integratuari dagokionez.
- Eta, azkenik, Europako Parlamentuaren eta Kontseiluaren 2021/2117 (EB) Erregelamendua, 2021eko abenduaren 2koa, erregelamendu hauek aldatzen dituena: nekazaritzako merkatuen antolaketa erkideari buruzko 1308/2013 (EB) Erregelamendua; nekazaritzako produktuen kalitate-araubideei buruzko 1151/2012 (EB)



Erregelamendua; mahastizaintzako eta ardogintzako produktu aromatizatuen adierazpen geografikoei buruzko 251/2014 (EB) Erregelamendua; eta nekazaritza- sektorean EBko eskualde ultraperiferikoen aldeko neurriak ezartzen dituen, (EB) 228/2013 zk.-koa

NPB berria, 2023tik 2027ra aplikatuko dena, aurreko NPbaren funtsezko elementuei eutsiko die, baina laguntzen azken onuradunek bete beharreko baldintzen deskribapenean oinarritutako politika izatetik emaitza zehatzak lortzera bideratutako politika izatera igaroko da, hiru helburu orokorrei lotuta: epe luzera elikagaien segurtasuna bermatuko duen nekazaritza-sektore adimentsua, lehiakorra, erresilientea eta dibertsifikatua sustatzea; ingurumenaren babesa, biodibertsitatea barne, eta klimaren aldeko ekintza babes- tea eta indartzea, eta Batasunaren ingurumen- eta klima-helburuak lortzen laguntzea, besteak beste, Parisko Akordioari jarraituz hartutako konpromisoak; eta landa-eremu- tako ehun sozioekonomikoa indartzea. Helburu orokor horiek, era berean, berariazko bederatzi helburutan banatzen dira. Helburu horiek jasangarritasunaren hiru zutabee- tan oinarritzen dira, eta nekazaritza sektorea modernizatzeko zeharkako helburu komun batekin osatzen dira, landa eremuen ezagutzaren, berrikuntzaren eta digitalizazioaren bidez.

2023-2027 NPBren berrikuntza nagusietako bat da estatu kide guztiek NPBren Plan Estrategiko (NPBPE) bakarria izan behar dutela, NPBren helburuak lortzeko laguntza esku-hartzeak eta Europako Itun Berdearen anbizioa jasotzeko.

Ildo horretan, eta Nekazaritza, Arrantza eta Elikadura Ministerioak koordinatu zuen hiru urte inguruko lan prozesu baten ondoren -autonomia erkidegoek parte hartu zuten prozesu horretan, bai beharren diagnostikoaren eta analisiaren hasierako fasean, bai esku-hartzeen estrategia eta diseinua artikulatzeko ondorengo fasean-, 2022ko abuz- tuaren 31n Europako Batzordeak Espainiako NPBren Plan Estrategikoa onartu zuen, C (2022) 6017 Erabakiaren bidez.

Lehen zutabearen esparruan programatutako laguntza esku-hartzeak (laguntza zu- zenak eta sektorialak, NBEF funtsak finantzatuak) eta bigarren zutabeko landa garape- neko esku-hartzeak (LGENF funtsak batera finantzatuak) jaso dira Espainiako NPBPE horretan. Azken horiek autonomia erkidegoetan ezarri eta garatzen dira, kasu bakoitzean ezarri diren eskualde berezitasunekin eta autonomia erkidego bakoitzak bere lurraldera- ko programatu dituen esku-hartzeen eta aurrekontuen arabera. Horren ondorioz, Euska- diren kasuan, NBEF funtsaren esku-hartze sektorialeak eta zuzeneko ordainketa moduko esku-hartzeek gain, landa garapeneko 18 esku-hartze programatu dira (LGENF).

Espainiako Nekazaritza, Arrantza eta Elikadura Ministerioak, NPBPE onartu ondo- ren, arau pakete zabala prestatu du, NPBPE behar bezala eta eraginkortasunez ezar- tzen dela ziurtatzeko. Besteak beste, hauek nabarmendu behar dira:

- 30/2022 Legea, abenduaren 23koa, Nekazaritza Politika Erkidea eta hari lotutako beste gai batzuk kudeatzeko sistema arautzen duena.
- 1046/2022 Errege Dekretua, abenduaren 27koa, Espainiako Nekazaritza Politika Erkidearen Plan Estrategikoaren eta NBEF eta LGENF nekazaritza funts europa- rren gobernantza arautzen duena.
- 1045/2022 Errege Dekretua, abenduaren 27koa, Nekazaritza Politika Erkidearen jasangarritasunerako oinarritzko laguntza eskubideei buruzkoa.
- 1047/2022 Errege Dekretua, abenduaren 27koa, Nekazaritza Politika Erkidearen Plan Estrategikoko esku-hartzeak eta beste laguntza batzuk kudeatzeko eta kon- trolatzeko sistema arautzen duena.
- 1048/2022 Errege Dekretua, abenduaren 27koa, 2023tik aurrera zuzeneko ordain- keta moduko esku-hartzeak aplikatzeari eta Nekazaritza Politika Erkidearen Plan Estrategikoaren esparruan betekizun komunak ezartzeari, eta kudeaketa eta kon- trol sistema integratuaren eskaera bakarria arautzeari buruzkoa.
- 1049/2022 Errege Dekretua, abenduaren 27koa, zuzeneko ordainketak, landa ga- rapeneko eta POSEI programako urteko ordainketa jakin batzuk jasotzen dituzten



onuradunek bete beharreko baldintza indartuak eta gizarte baldintzak aplikatzeko arauak ezartzen dituena.

- 1051/2022 Errege Dekretua, abenduaren 27koa, nekazaritzako lurzoruetan elikadura iraunkorrerako arauak ezartzen dituena.
- 1053/2022 Errege Dekretua, abenduaren 27koa, behi-haztegiak antolatzeko oinarriko arauak ezartzen dituena.
- 1054/2022 Errege Dekretua, abenduaren 27koa, nekazaritzako eta abeltzaintzako ustategiei eta nekazaritzako ekoizpenari buruzko informazio-sistema ezarri eta arautzen duena, bai eta nekazaritza-ustategien erregistro autonomikoa eta nekazaritza-ustategien koaderno digitala ere.
- 147/2023 Errege Dekretua, otsailaren 28koa, Nekazaritza Politika Erkidearen Plan Estrategikoko esku-hartzeen zigorak ezartzen dituena.

Euskadin programatutako landa-garapeneko 18 esku-hartzeen (LGENF) artean dauka muga naturalak edo beste muga espezifiko batzuk dituzten eremuetarako laguntzei buruzkoak, foru-aldundiei dagozkienak, Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamenduaren 71. artikulua arautuak, eta honako jardura-ildo hauek biltzen dituena: mendi-eremuengatikoa konpentsazio-ordainketak eta natura-muga esanguratsuak dituzten beste eremu batzuegatikoa konpentsazio-ordainketak.

Hori dela eta, Espainiako NPBPEn xedatutakoaren babesean eta lehen aipatutako NPBaren eremuan aplikatzekoak diren Estatuko arauekin bat etorritik, bidezkoa da esku-hartze horiei dagozkien laguntzen oinarri arautzaileak onartzea Bizkaiko Lurralde Historikoan, Landa Garapenerako Europako Nekazaritza Funtsekin (LGENF) eta Bizkaiko Foru Aldundiak batera finantzatuta.

Laguntzei aplikatu dakiekeen Europako Erkidegoko araudian xedatutakoaz gain, laguntzen arauaketa bat dator Foru Administrazioak emandako dirulaguntzen araubide juridiko orokorra arautzen duen maiatzaren 31ko 5/2005 Foru Arauan eta Bizkaiko Foru Aldundiaren martxoaren 23ko 34/2010 Foru Dekretuan xedatutakoarekin, azken horren bidez Foru Arauaren Erregelamendua onartu baitzen.

Xedapen honen xede den gaiaren gaineko eskumena Bizkaiko Foru Aldundiari dagokio, Bizkaiko Lurralde Historikoko Foru Erakundeen Hautapen, Antolaketa, Araubide eta Funtzionamenduari buruzko otsailaren 13ko 3/1987 Foru Arauaren 17.2 artikulua eta Toki Araubidearen Oinarriak arautzen dituen apirilaren 2ko 7/1985 Legearen 36.1.d) artikulua koordinatuta irakurrita ondorioztatzen denez. Izan ere, artikulua horretan ezartzen denez, aldundien eskumena da ekonomiaren eta gizartearen garapena sustatzeko lan-kidetza, gainerako herri-administrazioek arlo horretan dituzten eskumenekin bat etorritik.

Foru Dekretu honek genero-ikuspegia txertatzen du, bai haren prestaketan, bai aplikazioan, Emakumeen eta Gizonen Berdintasunerako eta emakumeen aurkako indarkeria matxistarik gabeko bizitzetarako Legearen testu bategina onartzen duen martxoaren 16ko 1/2023 Legegintzako Dekretuan adierazten den bezala. Gainera, kontuan hartu da azaroaren 19ko 141/2013 Foru Dekretuan xedatutakoa. Horren bidez, Emakumeen eta Gizonen Berdintasunerako eta emakumeen aurkako indarkeria matxistarik gabeko bizitzetarako Legearen testu bategina onartzen duen martxoaren 16ko 1/2023 Legegintzako Dekretuan aurreikusitako generoaren arabera eraginaren aurretiazko ebaluazioa egiteko jarraibideak jasotzen dira. Ildo horretatik, izapidetzean, «Generoaren arabera Eraginaren Aurretiazko Ebaluazioaren Txostena» gehitu da, foru dekretu horren 2. oinarriak aipatzen duena.

Gainera, foru dekretu hau bat dator erregulazio onaren printzipioekin. Printzipio horiek Administrazio Publikoen Administrazio Prozedura Erkidearen 2015eko urriaren 1eko 39/2015 Legean ezartzen dira eta Bizkaiko Foru Aldundiaren 2021eko ekainaren 15eko 87/2021 Foru Dekretuaren 3. artikuluan biltzen dira (dekretu horren bidez Bizkaiko Foru Aldundian xedapen orokorrak egiteko prozedura arautzen da).

Era berean, foru dekretu hau egiteko eta izapidetzeko, Bizkaiko Foru Aldundiaren ekainaren 15eko 87/2021 Foru Dekretuan ezarritako izapidetza jarraitu dira, eta generoa-



ren araberrako eraginaren aurretiazko ebaluazioaren, kontrol ekonomikoaren eta txosten juridikoen nahitaezko txostenak egin dira.

Foru Dekretu hau egiteko, kontuan hartu da maiatzaren 28ko 63/2019 Foru Dekretuan xedatutakoa, Bizkaiko Foru Aldundiaren jardun-eremuan hizkuntza ofizialak erabiltzeko irizpideak ezartzen dituenak.

Bizkaiko Lurralde Historikoko foru-erakundearen hautapen, antolaketa, araubide eta funtzionamenduari buruzko otsailaren 13ko 3/1987 Foru Arauaren 17. 1. 4 eta 17. 2 artikuluen arabera, xedapen hori onartzeko eskumena Bizkaiko Foru Aldundiko Gobernu Kontseiluari dagokio.

Ondorioz, Iraunkortasuna eta Ingurune Naturala Zaintzeko Saileko foru diputatuak proposatuta, eta Bizkaiko Foru Aldundiko Gobernu Kontseiluak eztabaidatu ondoren, hauxe

XEDATZEN DUT:

Artikulu Bakarra. — (2024) Nekazaritza-sektorearentzako konpentsazio-laguntzen oinarriak eta deialdia onartzea

Mendialdeetan edo mendiaz bestelako eremu behartsuetan nekazaritza-ekoizpe-nak sortzen dituen zailtasunengatik nekazaritzaren sektorean sortzen diren kostuak eta diru-sarreraren galerak konpentsatzeko eta ordaintzeko laguntzen oinarriak eta deialdia onartu dira. Hona hemen testua:

AZKEN XEDAPENAK

Azken Xedapenak Lehena. — Arauak garatzea

Ahalmena ematen zaio Iraunkortasuna eta Ingurune Naturala Zaintzeko foru diputatuari, foru dekretu honetan ezarritakoa garatu, betearazi eta ezartzeko beharrezkotzat jotzen dituen xedapen guztiak eman ditzan.

Azken Xedapenak Bigarrena. — Indarrean jartzea

Bizkaiko Aldizkari Ofizialean argitaratu eta hurrengo egunean jarriko da indarrean. Bilbon, 2024ko apirilaren 25ean.

Ingurune Naturala eta Nekazaritza
Sustatzeko foru diputatua,
ARANTZAZU ATUCHA LEJARRETA

Ahaldun Nagusia,
ELIXABETE ETXANOBE LANDAJUELA



BIZKAIKO LURRALDE HISTORIKOKO NEKAZARITZAREN SEKTOREARI KONPENTSAZIO-LAGUNTZA JAKIN BATZUK EMATEKO OINARRIAK ETA DEIALDIA(2024)

AURKIBIDEA

I. kapitulua. — *Xedapen orokorrak.*

1. Dirulaguntzaren gaia.
2. Dirulaguntza jaso dezaketen jarduera eta gastuak.
3. Laguntza-lerroen bateragarritasuna.
4. Pertsona edo erakunde onuradunak (betekizun orokorrak eta espezifikoak).
5. Elkarreragingarritasuna.
6. Datu pertsonalak babestea.
7. Aplikatzekoa den arautegia.
8. Laguntzen finantzaketa.

II. kapitulua. — *Xedapen espezifikoak.*

9. Dirulaguntzak emateko prozedura.
10. Ebazpena Prozedura agintzeko organo eskuduna.
11. Aldi berean beste dirulaguntza batzuk jasotzea.
12. Dirulaguntzari uko egitea.
13. Emandako dirulaguntzaren zenbatekoa eta ordainketa.
14. Dirulaguntzaren pertsona edo erakunde onuradunaren betebeharrak.
15. Laguntzen kontrola.
16. Zigorak eta zehapenak aplikatzea eta dirua itzultzeko araubidea.
17. Baldintzak aldatzea eta laguntzak ordaintzea.
18. Baztertzeko arrazoiak.
19. Bidegabeko ordainketak berreskuratzea.
20. Emandako dirulaguntzen publizitatea.
21. Zehapen araubidea.
22. Iruzurraren aurka borrokatzea eta interes gatazkak.

III. kapitulua. — *Deialdia.*

23. Epea eta aurkezteko tokia.
24. Eman beharreko dokumentazioa.
25. Eskiera zuzendu edo hobetzea.
26. Aurrekontuko zuzkidura.

I. KAPITULUA

XEDAPEN OROKORRAK

1. oinarria. — *Dirulaguntzaren xedea*

Foru Dekretu honen xedea da Bizkaiko Lurralde Historikoan nekazaritzako ustia-tegietarako konpentsazio-laguntza jakin batzuk ezartzea, mendi-eremuetan edo muga natural nabarmenak dituzten beste eremu batzuetan nekazaritzako ekoizpenak dituen zailtasunengatik, Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamenduan eta NPBren Plan Estrategikoaren (2023-2027 PE) esparruan xedatutakoaren arabera.

**2. oinarria. — *Diruz lagun daitezkeen jarduerak eta gastuak***

Ezartzen diren laguntza-lerroak, Landa Garapenerako Europako Nekazaritza Funtsak (LGENF) kofinantzatuta, helburu hauetarako dira:

- a) Mendiko nekazaritzako eremuetako zailtasun naturalak konpentsatzea.
- b) Mendi-nekazaritzako eremuez bestelako muga natural esanguratsuak dituzten eremuetan zailtasun naturalak konpentsatzea.

3. oinarria. — *Laguntza-lerroen bateragarritasuna*

Ezartzen diren laguntza-lerroak bateragarriak dira elkarren artean, eta diruz lagun daitezkeen gehieneko azalera 30 hektareakoa izango da, ustiategiaren titularra pertsona fisikoa bada, eta 60 hektareakoa, pertsona juridikoa bada.

4. oinarria. — *Pertsona edo erakunde onuradunak:*

Foru Dekretu honetan ezarritako laguntzen onuradunak izango dira Bizkaiko Lurralde Historikoko Nekazaritza Ustiategiaren Erregistroan inskribatuta dauden nekazaritzako ustiategiak, baldin eta mendiko nekazaritzako eremuan badaude, 1. eranskinean jasotako udalerrien barruan, edo mendikoak ez diren muga natural nabarmenak dituen eremu batean badaude, 2. eranskinean jasotako udalerrien barruan, edo autonomia-erkidego bateko erregistro baliokideetan inskribatuta badaude.

Titulartasun partekatuko erakunde, ondasun-sozietate edo sozietate zibil motako elkarre-ustiategiaren kasuan, dirulaguntza eman eta ordaintzeko unean Administrazio Publikoaren zerga-betebeharrak eta Gizarte Segurantzarekikoak egunean izatearen baldintza hori kide guztiek bete beharko dute.

Bizkaiko Foru Aldundiak ematen dituen dirulaguntzen araubide juridiko orokorra arautzen duen maiatzaren 31ko 5/2005 Foru Arauaren 12. artikuluan jasotako onuradun izaera bete beharko da. Kasu guztietan, onuradunak egunean izan beharko ditu zerga-betebeharrak eta Gizarte Segurantzarekikoak, dirulaguntza emateko eta ordaintzeko unean.

Pertsona edo erakunde onuradunek ez dute izan behar dirulaguntza edo laguntza publikoak eskuratzea eragozten dien zehapen administratiborik edo penalik, ezta horretarako legezko inolako debekurik ere, sexu-bereizkeriagatiko debekuak barne, Emakumeen eta Gizonen berdintasunerako eta emakumeen aurkako indarkeria matxistarik gabeko bizitzetarako Legearen testu bategina onartzen duen martxoaren 16ko 1/2023 Legegintzako Dekretuan xedatutakoarekin bat etorritik, eskaera egiteko epea amaitu baino lehen.

Onuradunak pertsona fisikoak, juridikoak edo ondasun-erkidegoak izan daitezke, eta, aurrekoaz gain, honako betekizun eta baldintza hauek bete beharko dituzte kasu bakoitzean:

4.1. *Titularra pertsona fisikoa duten ustiategiak*

1. Nekazari aktibotzat jotzea, abenduaren 27ko 1048/2022 Errege Dekretuak, 2023tik aurrera zuzeneko ordainketa moduko esku-hartzeak aplikatzeari eta Nekazaritza Politika Erkidearen Plan Estrategikoaren esparruan betekizun komunak ezartzeari buruzkoak, eta kudeaketa eta kontrol sistema integratuaren eskaera bakarra arautzeari buruzkoak, ezarritakoaren arabera.

2. Eskaera bakarra aldatzeko epea amaitzen denean, nekazari ez-aktiboa izatea. Halakotzat hartzen dira dedikazio nagusia eta, korrespondentzia bidez, nagusiki nekazaritza duten pertsona fisikoak, Euskal Autonomia Erkidegoko Nekazaritza eta Elikagaigintza Politikako abenduaren 23ko 17/2008 Legean aurreikusitako irizpideen arabera, eta, ondorioz, honako baldintza hauek betetzen dituztenak:

Urtean, gutxienez, errenta osoaren % 50 bere ustiategian egindako nekazaritza-jardueratik lortzen duen nekazari profesionala, baldin eta bere lan-denboraren erdia edo gehiago urtean nekazaritza-ustiategiarekin zuzenean lotutako jardueretan ematen badu, nekazaritzako lan-unitateen arabera.



Aurrekoa gorabehera, errenta osoa baloratzeko, urtarrilaren 26ko APA/171/2006 Ministro Aginduren arabera, ustiategiaren titularraren errenta osoa kalkulatzeko, ustiategiak azken bost urteetatik hirutan fiskalki aitortutako errenten batez bestekoa erabili ahal izango da, betiere kalkuluan 2023ko ekitaldia sartuta.

Pertsona fisiko bakoitzak urtean 2.700 ordu baino gehiago lan egin beharko ditu, baldintza hori kalkulatzeko. Ustiategian nekazaritza-jardueraz bestelako lanordua urtean 1.350 baino gehiago badira, ez da nekazari pluriaktibotzat hartuko, nekazaritzako lan-unitateen kopurua edozein dela ere.

Nekazaritza-jarduerak nekazaritza, abeltzaintza eta basozaintzako produktuak lortzeko behar diren lanak dira, haien eraldaketa, ontziratzea eta merkaturatzea barne, azken horiek ustiategi baten barruan egiten badira, bai eta ustiategia mantentzeko behar diren lanak ere.

Errentak zenbatzeko, nahitaezkoa izango da azken ekitaldiko PFEZ aitortpena aurkeztea. Deialdi honetarako 2023koa da aitortpen hori, eta ustiategiaren nekazaritza-etekinak nahitaez sartu beharko dira bertan. Langabezia-sorospena jasotzen den kasuetan, eta denboran mugatuak direnez, horiek ez dira etekintzat hartuko pluriaktibo ez den nekazaria zehazteko.

3. Nekazari gazteak kokatzeko laguntzaren aldeko ebazpena jaso duten nekazari gazteak, instalazio-aldian, nekazari ez-pluriaktibotzat hartuko dira. Epealdi hori amaitzean laguntza horretarako eskatutako betebeharrak bete ez badituzte eta nekazari gazteei laguntza itzuli behar badiete, muga naturalak edo beste muga espezifiko batzuk dituzten eremuetarako laguntzak ere itzuli beharko dituzte, instalazio-prozesuan egoteagatik.

Lehen instalazioko beste kasu batzuetan, nekazariak ez dira nekazari pluriaktibotzat hartuko, nahiz eta eskatutako errenta-maila eta -portzentajeetara ez iritsi.

Hala ere, kasu guztietan, nekazariak alta emanda egon beharko du bere nekazaritza-jardueraren arabera dagokion Gizarte Segurantzako Erregimenean. Aipatutako araubidean alta emanda egoteak eraginkorra izan beharko du eskaera bakarra aldatzeko epea amaitzen den egunean.

4. Erretiro aktibo, malgu edo partzialari buruzko indarreko araudian jasotzen diren kasuetan izan ezik, ez da jasoko erretiro arruntaren edo erabateko baliaezintasunaren ziozko pentsiorik. Langabezia-sorospena jasotzen bada eta denboran pertzepzio mugatuak direnez, horiek ez dira diru-sarreratzat hartuko laguntzak emateko, eta espedientean hori ageri beharko da eta zenbatekoa eta pertzepzioa amaitzeko eguna adierazi beharko dira.

4.2. Ustiategiaren titularra pertsona juridikoa bada Elkartu-ustiategiak.

1. Asoziazio ustiategiak direnean eta titulartasuna figura juridiko batek duenean, jarduera nagusia nekazaritza izan behar da, Euskal Autonomia Erkidegoko Nekazaritza Ustiapenen Erregistro Orokorren irailaren 27ko 203/2011 Dekretuan ezarritakoarekin bat etorritik.

Era berean, sozietate horrek forma hauetakoren bat izan beharko du: ondasun-erkidegoak, jaraunspen-erkidegoak, titulartasun partekatuko erakundeak, sozietate zibilak, kooperatiba-sozietateak, eraldaketarako nekazaritza-sozietateak, lan-sozietateak, sozietate anonimoak, mugatuak edo bestelako merkataritza-sozietateak. Horietan, gutxienez kapital sozialaren edo banaketa-kuotaren %50 duten kideen %50 nekazari ez-aktibo gisa hartu beharko dira, eta, ondorioz, 4.1 oinarrian titular gisa pertsona fisikoa duten ustiategiarako ezarritako hautagarritasun-baldintzak bete beharko dituzte, hau da, nekazari aktiboa eta nekazari ez-pluriaktiboa izan beharko dute. Era berean, erretiro aktibo, malgu edo partzialari buruzko indarreko araudian jasotzen diren kasuetan izan ezik, ez da jasoko erretiro arruntaren edo erabateko baliaezintasunaren ziozko pentsiorik. Langabezia-sorospena jasotzen bada eta denboran pertzepzio mugatuak direnez, horiek ez dira diru-sarreratzat hartuko laguntzak emateko, eta espedientean hori ageri beharko da eta zenbatekoa eta pertzepzioa amaitzeko eguna adierazi beharko dira.



Elkartekideak nekazari gazteen ezarpenerako laguntzaren aldeko ebazpena badu, jarduera anitzekoa ez den nekazaritzat hartuko da instalazio-aldian. Epealdi hori amaitzean laguntza horretarako eskatutako betebeharrak bete ez baditu eta nekazari gazteen establezimenduari emandako laguntza itzuli behar badu (instalazio-prozesuan egoteagatik jasoko zukeen laguntza), elkartee-ustiategiak itzuli egin beharko ditu, halaber, muga naturalak edo beste muga espezifiko batzuk dituzten eremuetarako laguntzak, baldin eta beren kapital sozialaren edo banaketa-kuotaren gutxienez % 50 duten kideen % 50 ez badira nekazari ez-pluriaktibotzat hartzen.

Hala ere, kasu guztietan, bazkideek alta emanda egon beharko dute beren nekazaritza-jardueraren arabera dagokien Gizarte Segurantzako Erregimenean. Aipatutako araubidean alta emanda egoteak eraginkorra izan beharko du eskaera bakarria aldatzeko epea amaitzen den egunean.

Baldin eta urriaren 4ko 35/2011 Legearen arabera titulartasun partekatuko erregimenean eratutako elkartee-entitateak badira eta ezkontideek edo antzeko harreman batez lotutako pertsonak nekazaritza-jardueran benetan eta maiztasunez parte hartu badute aurreko bi urteetan gutxienez, orduan, ulertuko da PFEZeant aitortutako nekazaritzako ustiategiak emandako etekinak %50ean dagozkiela bi pertsona titularkide horiei.

Ondasun-erkidego edo jaraunsle batenak diren nekazaritza-ustiategiak, foru dekretu hau aplikatzearen ondorioetarako, elkartee-ustiategitzat hartuko dira.

2. Elkartee-ustiategiak eratzeko dokumentu publikoan behar bezala zehaztuta geratu dira honako hauek:

- a) Forma juridikoa.
- b) Sozietatearen kapitalaren eraketa.
- c) Kideek kudeaketan parte hartzea.
- d) Gutxieneko iraupena; laguntza emateko Administrazioarekin hartutako konpromisoan ezarritakoa izango da, gutxienez

3. Elkartee-ustiategiak landare- eta animalia-osasunaren arloan indarrean dauden arauak bete eta dagozkien osasun-kanpainak egin beharko ditu. Nekazaritza-ustiategietan, ustiategian dagoen aztiendak eta sartuko denak saneatuta egon beharko du.

4. Elkartee-ustiategiak bere ustiategiko nekazaritza-jarduerari gutxienez laguntza-eskaeraren urtean zehar eusteko konpromisoa hartuko du.

5. oinarria. — *Elkarreragingarritasuna*

Ingurune Naturala eta Nekazaritza Sustatzeko Saileko Landa Garapeneko Zerbitzuak beharrezkoak diren egiaztapenak eta kontsultak egingo ditu Administrazioak eskatzaileei buruz dituen datuak direla-eta, datuok beharrezkoak direnean laguntzen izapidetze administratiborako, eskatzaileek berariaz aurka egiten ez badiote; kasu horretan, eskatutako ziurtagiriak eta dokumentuak aurkeztu beharko dituzte. Horretarako, Bizkaiko Elkarreragingarritasun Nodoa eta bestelako elkarreragingarritasun-zerbitzuak erabiliko ditu. Arrazoi teknikoak direla eta, ezinezkoa bada elkarreragingarritasunera jotzea, Ingurune Naturala eta nekazaritza sustatzeko Sailak izapidetako beharrezkotzat jotzen dituen datuak edo dokumentuak eska ditzake, Administrazio Prozedura Erkidearen 39/2015 Legearen 28.2 artikuluan ezarritakoaren arabera, datu pertsonalen tratamenduari eta datu horien zirkulazio askeari dagokienez pertsona fisikoak babesteko Europako Parlamentuaren eta Kontseiluaren 2016ko apirilaren 27ko 2016/679 Erregela-menduari 6.e) artikuluari lotuta.

Era berean, Ingurune Naturala eta Nekazaritza Sustatzeko Sailak Foru Dekretu honetan jasotako inguruabarrak egiaztatzeko beharrezko diren jarduketak egin ahal izango ditu Datu Pertsonalak Babesteko 3/2018 lege organikoaren zortzigarren xedapen gehigarrian ezarritakoaren arabera.

6. oinarria. — *Datu pertsonalen babesa*

Interesdunak emandako datuak foru dekretutik eratorritako prozedurak kudeatzeko erabiliko dira, Europako Parlamentuaren eta Kontseiluaren 2016ko apirilaren 27ko



2016/679 (EB) Erregelamenduan (pertsona fisikoen babesari buruzkoa, datu pertsonalen tratamenduari eta datu horien zirkulazio askeari dagokienez; horren bidez, indargabetu egiten da 95/46/EE Zuzentaraua, Datuak Babesteko Erregelamendu Orokorra) eta abenduaren 5eko 3/2018 Lege Organikoan (datu pertsonalak babesteari eta eskubide digitalak bermatzeari buruzko Europako araudia egokitzen eta osatzen du) aurreikusita-koaren arabera.

Ukitutako pertsonak baimenik ematen ez badu, edo lehen adierazitako araudian aurreikusitako kasurik ematen ez bada, datuak ez zaizkie inola ere hirugarrenei lagako.

Administrazio publikoek datu pertsonalak adierazteko eskaintako edozein bide erabiliz egiten direnean eskabideak, organo hartzaileak, bere eskumenak erabiliz, datuen zehaztasuna egiaztatze beharrezko egiaztapenak egin ahal izango ditu.

Araudi horretan xedatzen dena betetzeko, interesdunak honako eskubide hauek baliatu ahal izango ditu datuen tratamenduaren arduradunaren aurrean: datuak eskuratzeko, zuzentzeko, ezerezteko ("ahaztua izateko eskubidea"), haien tratamendua mugatzeko eta datuok eramangarri izateko eskubideak, bai eta tratamendu automatizatuan soilik oinarrituriko erabakirik ez jasatekoa (barne harturik profilen sorrera), baldin eta erabakiak eragin juridikoak badakarzkio edo, modu bertsuan, beragan eragin nabarmenik badu. Era berean, emandako baimena edozein unetan baliogabetu ahal izango du. Era berean, eskubidea du erreklamazio bat aurkezteko Datuak Babesteko Kontrol Agintaritzan, eta informazio hori zabaldu egin daiteke Bizkaiko Foru Aldundiaren web orri instituzionaleko datuen babesari buruzko atalean:

— (<https://web.bizkaia.eus/es/proteccion-de-datos>).

7. oinarria. — Aplikatzekoa den arautegia

Dekretu honetan aurreikusitako dirulaguntzak aplikatzekoa den araudian eta eskabi-deak ebazteko foru-aginduetan ezarritakoaren arabera arautuko dira.

Dirulaguntzen Araubide Juridiko Orokorrari buruzko maiatzaren 31ko 5/2005 Foru Arauaren 6. artikuluan ezarritakoa aplikatuko da, Europar Batasuneko funtsen kargura finantzatutako dirulaguntzen araubide juridikorako ezarritakoari dagokionez.

Osagarri gisa, arau hauetan ezarritakoa aplikatuko da: Dirulaguntzen Araubide Juridiko Orokorrari buruzko maiatzaren 31ko 5/2005 Foru Araua; Bizkaiko Foru Aldundiaren otsailaren 27ko 16/2018 Foru Dekretua, Foru Administrazioak emandako Dirulaguntzen Araubide Juridiko Orokorra arautzen duen Dirulaguntzen Erregelamendua aldatzen duena (Bizkaiko Foru Aldundiaren martxoaren 23ko 34/2010 Foru Dekretuaren bidez onartua), eta Bizkaiko Foru Aldundiaren dirulaguntzen prozeduretan klausula sozialak, ingurumenekoak eta beste politika publiko batzuei buruzkoak sartzeko gida onartzen duena; Bizkaiko Foru Aldundiaren 169/2014 Foru Dekretua, abenduaren 16koa, Bizkaiko Lurralde Historikoko Aurrekontuen Erregelamendu Orokorra onartzen duena; Ogasun eta Finantzatutako foru diputatuaren 1305/2015 Foru Agindua, ekainaren 18koa, dirulaguntzak eta dirulaguntza publikoak ematearen arloko gastua fiskalizatzeko prozedura onartzen duena; 38/2003 Lege Orokorra, azaroaren 17koa, Dirulaguntzei buruzkoa eta hura garatzeko araudia; 39/2015 Legea, urriaren 1ekoa, Administrazio Publikoen Administrazio Prozedura Erkideari buruzkoa; 40/2015 Legea, urriaren 1ekoa, Administrazio Publikoen Sektore Publikoaren Araubide Juridikoari buruzkoa; 4/2010 Errege Dekretua, urtarrilaren 8koa, Administrazio Elektronikoen eremuan Elkarrengarritasunaren Eskema Nazionala arautzen duena; 311/2022 Errege Dekretua, urtarrilaren 8koa, Administrazio Elektronikoen eremuan Segurtasunaren Eskema Nazionala arautzen duena, bai eta aplikatu beharreko beste edozein xedapen ere.

Halaber, Datu Pertsonalak Babesteari eta eskubide digitalak bermatzeari buruzko abenduaren 5eko 3/2018 Lege Organikoa ere aplikatuko da, bai subsidiarioki edo ordezkio gisa aplikatzekoa den gainerako araudia ere.

Oinarri hauetan araututako 6613 esku-hartzea Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamenduaren eta 2023-2027 NPBren Plan Estrategikoaren (Batzordearen 2022ko abuztuaren 31ko Betearazpen Erabakiaren bidez onartua) esparruan dago babestuta, zehazki 71. artikuluan.



Europako Parlamentuaren eta Kontseiluaren 2021eko abenduaren 2ko 2021/2116 (EB) Erregelamenduak arauak ezartzen ditu nekazaritza-politika bateratuaren finantzaketari, kudeaketari eta jarraipenari buruz, bai eta baldintzazkotasunari buruzko kontrol-sistemari eta administrazio-zehapenei buruz ere.

Bestalde, laguntza horiek arautzen dituen araubide juridikoak beste xedapen batzuk ere izan behar ditu kontuan, hala nola 30/2022 Legea, abenduaren 23koa, Nekazaritza Politika Erkidearen kudeaketa-sistema eta lotutako beste gai batzuk arautzen dituen; 1045etik 1049ra bitarteko eta 1051 eta 1053tik 1054ra bitarteko errege-dekretuak, 2022ko abenduaren 27koak, NPB berriaren zenbait alderdi arautzen dituztenak; eta 147/2023 Errege Dekretua, otsailaren 28koa, KEBPBren zigorrak ezartzen dituenak.

8. oinarria.— Laguntzen finantzaketa

1. Foru dekretu honetan Bizkaiko Foru Aldundiaren aurrekontu-kredituetatik aterako dira Mendiko Nekazaritzako Eremuetako zailtasun naturalak konpentsatzeko laguntzetara bideratutako baliabide ekonomikoak, eta, erabilgarri dagoen ala ez kontuan hartuta, Landa Garapenerako Europako Nekazaritza Funtsak (LGENF) kofinantzatu ahal izango ditu, Europako Batzordeak onartutako 2023-2027 NPBren Plan Estrategikoan agertzen diren finantzaketa-ehunekoekin bat etorri eta deialdi hau garatzeko aplikatutako moduan, harik eta Landa Garapenerako Programa horretan aurreikusitako zuzkidurak agortu arte. Aplikagarria da Bizkaiko Dirulaguntzei buruzko 5/2005 Foru Arauaren 6. artikuluan ezarritakoa. 2024ko deialdi honetarako, LGENF funtsak kofinantzatutako eragiketarako baterako finantzaketa-tasa ehuneko 65 izango da.

2. Bizkaiko Foru Aldundiari dagokio onuradunei laguntzaren zenbateko osoa ordaintzea, bai LGENFk finantzatutako zatia, bai Bizkaiko Foru Aldundiak finantzatutako zatia. Erakunde ordaintzaileak Europako funtsak itzuli beharko dizkio Aldundiari, urriaren 3ko 194/2006 Dekretuaren III. kapituluaren eta Euskal Autonomia Erkidegoko Erakunde Ordaintzailearen eta Bizkaiko Foru Aldundiaren artean gai horren inguruan sinatutako lankidetzak hitzarmenean xedatutakoaren arabera.

3. Mendi-eremuetan eta mendi-eremuez bestelako muga natural esanguratsuak dituzten eremuetan zailtasun naturalak konpentsatzeko laguntzen kasuan, onartutako aurrekontu-muga kontuan hartuta erantzun eta onartuko dira eskabideak.

Baldin eta Landa Garapenerako Europako Funtsak (LGENF) batera finantza ditzakeen laguntzak, Europako Batzordeak neurri bakoitzerako onartutako ehunekoaren arabera, ezin badituzte LGENFren funtsen ekarpena jaso, finantzaketa osagarritzat hartuko dira. Kasu horretan, laguntza horiek oso-osorik finantzatuko dira Bizkaiko Foru Aldundiko Ingurune Naturala eta Nekazaritza Sustatzeko Sailaren aurrekontu-kredituetatik datozen funtsekin.

II. KAPITULUA

XEDAPEN ESPEZIFIKOAK

9. oinarria.— Emateko prozedura

Foru Dekretu honetan aurreikusitako laguntzak lehia askeko erregimenean izapidetuko dira, 2023-2027 NPBren Espainiarako Plan Estrategikoaren babesean, Europako Parlamentuaren eta Kontseiluaren 2021eko abenduaren 2ko 2021/2115 (EB) Erregelamendua garatuz, aipatutako Erregelamenduaren 6. artikuluko 1. eta 2. paragrafoetan ezarritako helburu espezifiko bat edo batzuk lortzen laguntzeko. Gainerakoan, Dirulaguntzei buruzko azaroaren 17ko 38/2003 Lege Orokorrean eta Foru Administrazioak emandako dirulaguntzen araubide juridiko orokorra arautzen duen maiatzaren 31ko 5/2005 Foru Arauan xedatutakoa aplikatuko da, ekitaldi ekonomiko bakoitzean dauden aurrekontu-baliabideen mugarekin.

Foru Dekretu honek xedatzen duenerako, lehia asketzat jotzen da aurrekontu-zuzkidura amaitu arte eskaerak jaso ahala funtsak banatzeko erabiltzen den prozedura. Horretarako, maiatzaren 31ko 5/2005 Foru Arauaren 20.1 artikuluari, garapen-arauei eta



foru dekretu honetan xedatutakoari erreparatuko zaie, eta deialdian zehaztutako eskakizunak beteko dituzte.

Esku-hartze horretan ez da egokia onuradunak hautatzeko irizpiderik ezartzea; izan ere, Munduko Merkataritza Erakundearen Nekazaritza buruzko Akordioarekin bat etorritik (Nekazaritza buruzko MMAREN Akordioaren 2. eranskineko 13. puntua), ordainketak eremu hautagarrian dauden ekoizle guztiei eskaini behar zaizkie. Foru dekretu honen atal honetan ezarritako baldintzak betetzen dituzten eta definitutako eremuetan dauden nekazari guztiek jaso ahal izango dute laguntza, eta, beraz, ezin izango da nekazari mota bat diskriminatu edo aldeztu aurretik ekoizpen-orientazioa eman, horretarako aukeraturako irizpidea edozein dela ere; baina posible izango da laguntza-maila bereiztea, aurre egindako mugen larritasunaren edo ustiapen-sistemaren arabera.

Deialdian jasotako zuzkidura ekonomikoa kalkulaturako zenbatekoei erantzuteko nahikoa bada, eskatzaile guztiei eman ahalko zaie zenbateko horren arabera.

Ezarritako aurrekontu-zuzkidura eskabide guztiei erantzuteko nahikoa ez bada, organo eskudunak proportzionalki banatuko du dirulaguntzara bideratutako gehieneko zenbateko osoa dirulaguntzaren onuradunen artean, hainbanaketa eginda. Hala ere, Emakume Nekazarien Estatutuari buruzko urriaren 15eko 8/2015 Legearen 15. artikuluko c) letraren arabera, eskaerak alderatzen ez diren kasuetan, baina hainbanaketa aurreikusten denean, bideratutako aurrekontu-partida agortzen bada, zenbateko osoa jasoko dute, hainbanatu gabe, titulartasuna emakume batena edo titulartasun partekatua duteen ustiategiek, edo emakumeen esku dauden partaidetza sozialak edo ehunekoa gutxienez % 50ekoa den pertsona juridiko batena dutenek, baldin eta elkartekideak bi badira, edo gutxienez % 40koa gainerako kasuetan.

10. oinarria. — Ebazpena. — Prozedura agintzeko organo eskuduna

1. Ingurune Naturala eta nekazaritza sustatzeko Saileko Landa Garapeneko Zerbitzuak izapidetuko ditu eskabideak. Zerbitzu hori izango da prozeduraren instrukzio-organoa, eta ofizioz egingo ditu ebazteko eskumena duen organoari ebazpen-proposamena formulatzeko behar diren datuak zehazteko, ezagutzeko eta egiaztatze beharrezkoztat jotzen dituen jarduketak guztiak.

2. Eskaerak Ingurune Naturala eta nekazaritza sustatzeko saila foru diputatuaren foru agindu bidez ebatziko dira, Landa Garapeneko Zerbitzuko Buruzagitzak proposatuta, Nekazaritza Zuzendaritzaren oniritzia jaso ondoren.

Dirulaguntzaren onuradunen artean proportzionalki banatu behar izan bada dirulaguntzara bideratutako gehieneko zenbateko osoa, eta behin-behineko ebazpenaren eta hemen deskribatutako behin betiko ebazpenaren artean aldaketarik badago zerga-betebeharren arloko ez-betetzeen ondorioz, ez dira berriro banatuko ez-betetze horien ondorioz eman ezin izan diren zenbatekoak.

Behin-behineko ebazpena behin betikoa izango da, baldin eta proposatutako onuradunek une oro eta deialdiko laguntzak izapidetzen eta kudeatzen diren bitartean betetzen badituzte foru dekretu honetan ezarritako zerga-betebeharra.

Eskabideak ebazteko gehieneko epea 6 hilabetekoa izango da, eskabideak aurkezteko epea amaitu eta hurrengo egunetik aurrera. Egun horretan berariazko ebazpenik ematen ez bada, dirulaguntza-eskaerak ezetsizat joko dira, hargatik eragotzi gabe organo emaileak berariaz ebazteko duen betebeharra.

3. Ebazpena arrazoitua izango da eta laguntza ematen zaien eskatzaileen zerrenda jasoko du, eta, hala badagokio, beren beregi, gainerako eskabideen ezespena. Laguntza emateko ebazpenak kasu bakoitzerako baldintza bereziak ere jaso ahal izango ditu, eta baldintza horiek nahitaez bete beharko dituzte onuradunek.

4. Ebazpen hau Bizkaiko Aldizkari Ofizialean argitaratuko da, eta jakinarazpenaren ondorioak urriaren 1eko 39/2015 Legearen 45.1.b) artikuluan xedatutakoaren arabera sortuko ditu. Halaber, interesdunei jakinaraziko zaie..

Ebazpenak amaiera emango dio administrazio-bideari, eta, haren aurka, administrazioarekiko auzi-errekurtsoa jarri ahal izango da jurisdikzio-ordena honetan eskumena



duen administrazioarekiko auzien salan, hargatik eragotzi gabe aukerako errekurtsua jartzea, urriaren 1eko 39/2015 Legearen 123. eta 124. artikuluen arabera (39/2015 Legea, Iraunkortasuna eta Ingurune Naturala Zaintzeko Saileko foru diputatuari berraztertze errekurtsua jartzekoa).

11. oinarria. — Beste dirulaguntza batzuekiko bateragarritasuna

Oinarri-akordio honetan garatutako laguntzak bateraezinak izango dira beste edozein administrazio publiko, sail, organismo edo erakunde publiko edo pribatuk xede eta helburu bererako emandako beste edozein laguntzarekin, Europako Erkidegoko, estatu-ko, Euskal Autonomia Erkidegoko edo Foru Erkidegoko araudian eta Espainiako NPBren Plan Estrategikoan hala aurreikusten denean izan ezik.

12. oinarria. — Emandako dirulaguntzari uko egitea

Foru dekretu honetan araututako dirulaguntzen onuradunek uko egin ahal izango diote emandako dirulaguntzari. Ildo horretan, dirulaguntza eman izanaren jakinarazpena jaso eta hamar egunetan onuradunak ez badio, berariaz eta idatziz, laguntza horri uko egiten edo argi eta garbi uko egiten diolako egintzarik ematen ez denean, laguntza onartzen dela ulertuko da.

13. oinarria. — Emandako dirulaguntzaren zenbatekoa eta ordainketa

1. Laguntza horiek urtean behin emango dira, dagokion urteko eskaera bakarrean aitortutako ustiategiaren nekazaritza-azaleraren arabera, baldin eta mendiko eremuetan edo mendikoak ez diren mugak dituzten eremuetan badago, foru dekretu honen bigarren oinarrian xedatutakoaren arabera.

Diruz lagundu daitekeen nekazaritza azalera abenduaren 27ko 1048/2022 Errege Dekretuaren II. tituluko II. kapituluaren oinarrituta zehaztuko da.

Euskal Autonomia Erkidegokoa ez den beste autonomia-erkidegoren bateko erre-gistro baliokideetan inskribatutako nekazaritza-ustiategiaren kasuan, kalte-ordaina jaso dezakeen azalera zehazteko, lehenik eta behin, eskaera bakarra aurkezten den autonomia-erkidegoan dauden azalera hartuko dira kontuan, eta, bigarrenik, 1. eta 2. eranskinetan jasotzen diren Bizkaiko udalerrietako Euskal Autonomia Erkidegoko azalera.

2. Diruz lagundu daitekeen nekazaritza-azalerako hektarea bakoitzeko konpentsazio-kalte-ordainaren zenbatekoa 297 euro/ha-koa izango da mendi-eremuetan, eta 214 euro/ha-koa mendikoak ez diren muga natural adierazgarriak dituzten eremuetan, eta degresibitatea egongo da hektarea-kopuruaren arabera.

3. Titularrak pertsona fisikoa den ustiategi bakoitzeko diruz lagun daitekeen gehieneko nekazaritza-azalera 30 hektareakoa da, baina beheranzkoa izango da, zerrenda honen arabera:

- Lehenengo 15 hektareetarako primaren %100 ordainduko da.
- Hurrengo 10 hektareetarako, primaren %60 ordainduko da.
- Hurrengo 5 hektareetarako, primaren %20 ordainduko da.
- 30 hektarea baino gehiagoko azalerek ez dute laguntzarako eskubiderik sortuko.

Mendialdeetan azalera eta mendikoak ez diren muga natural esanguratsuak dituzten eremuetan azalera duten ustiategiaren kasuan, laguntza zatika kalkulatzeko kontuan hartu beharreko hasierako azalera mendi-eremuei dagokiena izango da, eta, azalera hori agortu ondoren, kontuan hartuko da beste muga natural esanguratsu batzuk dituzten eremuen azalera.

Figura juridiko baten titulartasuna duten ustiategi asoziatiboen kasuan, laguntzaren zenbatekoa nekazari ez-pluriaktibotzat jotzen diren bazkideen kopuruaren arabera izango da, eta gehienez ere bi bazkide izango dira elkarre-ustiategi bakoitzeko. Nekazari ez-pluriaktibotzat jotzen diren bazkideen kopuruaren arabera zehazten da. Horretarako, ustiategian diruz lagun daitekeen nekazaritza-azalerako hektareen kopurua 297 euroz biderkatuko da mendialdeetan, eta 214 euroz mendikoak ez diren muga natural esanguratsuak dituzten eremuetan, eta txikituz joango da hektarea-kopuruaren arabera, au-



rreko 13.3 paragrafoaren arabera. Ezarritako tarteak, lehenik eta behin, pertsona ez pluriaktiboetako bati aplikatuko zaizkio, diruz lagun daitekeen 30 ha-ko azalera bateraino, eta azalera hori 30 ha-tik gorakoa bada, bigarren pertsona ez-pluriaktiboari aplikatuko zaizkio berriz ere tarteak, 60 ha-ko azalera subentzionagarriara arte.

Nekazari ez-pluriaktibo bat duten elkarte-ustategiei dagokienez, 30 hektareatik gorako azalera ez du prima-eskubiderik sortuko, eta nekazari ez-pluriaktibotzat hartzen diren bi pertsonaren kasuan, 60 hektareatik gorako azalera ez du prima-eskubiderik sortuko.

Laguntza horiek ez zaizkie emango dirulaguntza jasotzeko irizpideak edo baldintzak ez betetzeagatik administrazio-zigorrek aplikatu aurretik 300 eurotik beherako zenbatekoa duten eskaerei.

Ustategiaren azaleraren zati bat mendikoak ez diren muga natural adierazgarriak dituzten eremuetan dagoen mendi-eremuetako ustategien kasuan, 300 euroko zenbatekoa bien baturatik ateratzen den kalte-ordain konpentsatzailearen zenbateko osoari egokituko zaio.

Laguntzak emateko eta ordaintzeko baldintzak betetzen direla egiaztatu ondoren ordainduko dira.

14. oinarria.—*Dirulaguntza jasotzen duen pertsona edo erakunde onuradunaren betebeharrak*

1. Onuradunek konpromisoa hartzen dute, eskaera egiten duten unetik, Ingurune Naturala eta nekazaritza sustatzeko sailaren langileen ikuskapen- eta kontrol-lanak errazteko.

Gainera, landare- eta animalia-osasunaren arloan indarrean dauden arauak bete beharko dituzte, eta dagozkien osasun-kanpainak egin beharko dituzte, eta konpromisoa hartzen dute beren ustategiko nekazaritza-jarduerari eusteko, gutxienez, laguntza eskatzen den urtean. Nekazaritza-ustategietan, ustategian dagoen aziendak eta sartuko denak saneatuta egon beharko du. Halaber, baldintzazkotasunaren nahitaezko baldintzak bete beharko dituzte.

Foru dekretu honetan araututako dirulaguntzen onuradunek, dekretu honetan bera-riaz jasotako betebeharrak gain, kasu bakoitzean aplikatu beharreko erkidegoko arauetatik eratorritako gainerako betebeharrak ere bete beharko dituzte.

Hala ere, onuraduna konpromiso horiek hartzetik salbuetsita gera daiteke honako kasu hauetan:

- a) Nekazaritza-jarduera eteten denean eta landutako azalaren ustiapenak jarraitzen duela ziurtatzen denean.
- b) Ezinbesteko kasu batean.
- c) Derrigorrezko desjabetzearen edo onura publikoaren arrazoiengatik saltzen den kasuan.
- d) Pentsioren bat jasotzen duenean, erretiroagatik edo erretiro aurreratuagatik.

2. Ezinbesteko kasua dagoela, edo laguntza jasotzean hartutako konpromisoak ez betetzea justifikatzen duten salbuespeneko inguruabarrak daudela, ulertuko da ondoko kasu hauetan:

- a) Onuraduna hiltzea.
 - b) Onuraduna lanbiderako luzaro ezinduta egotea.
 - c) Ustategiko lurretan eragin handia izan duen hondamendi natural larria.
 - d) Ustategiko edo abeltzaintzako eraikinak istripuz suntsitzea.
 - e) Epizootia edo landare gaixotasuna, ustategiko abere edo labore guztietan edo batzuetan eragina dutena.
 - f) Ustategi osoa edo zati handi bat desjabetzea, baldin eta ezin izan bazen desjabetze hori aurreikusi konpromisoa hartu zen egunean.
3. Inguruabar horiek idatziz jakinarazi beharko zaizkio



Ingurune Naturala eta nekazaritza sustatzeko sailari. Idazkiarekin batera, agintari eskudunarentzat nahikoak diren froga egokiak erantsi beharko dira, onuraduna edo eskubiduna hala egiteko egoeran dagoen egunetik aurrera hamar egun balioduneko epean.

4. Inguruabar horiek gertatzen direnean, ez da administrazio-zehapenik ezarriko, eta ez da eskatuko jasotako laguntza itzultzea.

Foru dekretu honetan araututako dirulaguntzen onuradunek, maiatzaren 31ko 5/2005 Foru Arauaren 13. artikuluan oro har ezarritako betebeharez gain, honako hauek ere bete beharko dituzte:

- a) Emandako dirulaguntza onartzea. Ildo horretan, dirulaguntza eman izanaren jakinarazpena jaso eta hamar egunetan onuradunak ez badio, berariaz eta idatziz, laguntza horri uko egiten edo argi eta garbi uko egiten diolako egintzarik ematen ez denean, laguntza onartzen dela ulertuko da.
- b) Dirulaguntza eman den xede zehatzerako erabiltzea, eta emateko edo, hala badagokio, likidatzeko ebazpenean ezarritako baldintzekin bat etorritz.
- c) Beharrezko informazioa ematea Bizkaiko Foru Aldundiaren Ingurune Naturala eta nekazaritza sustatzeko Sailari eta Ogasun eta Finantza Sailari, Euskal Autonomia Erkidegoko Erakunde Ordaintzaileko organo eskudunei, Herri Kontuen Euskal Epaitegiari eta Europar Batasuneko organo eskudunei. Informazio hori eskatu ahaliko zaie beren zereginak betetzean, emandako dirulaguntzari dago-kionez.
- d) Berdintasunaren arloko betebeharrak:
 - d.1) Pertsona fisiko edo juridikoek gizon eta emakumeen berdintasuna sustatu beharko dute lanpostuen definizioan, eskuratzean, kontratazioan eta iraungitzean, sailkapen profesionalean, promozioan, prestakuntzan, laneko segurtasun eta osasunean, ordainsarien politikan, erantzukidetasunean eta bizitza pertsonala, lanekoa eta familiakoa kontziliatzean, laneko kalitate eta egonkortasunean, lantzaioaren iraupen eta antolaketan eta ekintza sindikalean, ordezkaritza eta hitzarmen kolektiboan. Hala, lan baldintza duinak, egokiak eta ez baztertzailerak ziurtatuko dituzte.
 - d.2) Pertsona fisiko edo juridikoek zaindu beharko dute emakume eta gizonen trataera, protagonismoa eta balorazioa baliokidea izan daitezela, eta berdintasunean, presentzia orekuan, aniztasunean, erantzukidetasunean eta genero rol eta identitateen askotarikotasunean oinarritutako irudia sustatzea. Hori guztia idatzizko, ahozko nahiz ikono bidezko informazioetan, publizitate ekintzetan, barne nahiz kanpo komunikazioan, modu formalean eta informalean, bai eta proiektu edo jarduerarekin lotutako edo horietarako sortutako materialei dagokienez ere.
 - d.3) 50 pertsonatik gorako plantilla duten pertsona fisiko edo juridikoek emakumeen eta gizonen arteko berdintasun eraginkorrerako martxoaren 22ko 3/2007 Legean ezarritako emakumeen eta gizonen arteko berdintasunerako plan bat izateko betebeharra betetzen dela eta behar bezala ezartzen dela egiaztatu beharko dute.
 - d.4) Plantillan hamabost langile baino gehiago dituzten pertsona fisiko edo juridikoek neurriak hartu beharko dituzte lan-eremuan indarkeria matxista prebenitzeko, jarduteko, jarraipena egiteko, ebaluatze eta desagerrarazteko, eta, bereziki, sexu-jazarpenari eta sexuan oinarritutako jazarpenari buruzkoak.
- e) Dirulaguntzei buruzko 5/2005 Foru Arauaren 17. artikuluko 3. zenbakian xedatutakoaren arabera, dirulaguntza jasotzen duten erakunde onuradunek behar den moduan emango dute argitara dirulaguntza jaso duen jarduketaren finantzaketa publikoa dela, jarduerarekin zerikusia duen dokumentazio grafiko eta informatibo guztian.

Gainera, Gardentasunari buruzko 1/2016 Foru Arauan araututako publizitate aktiboko arauak aplikatuko zaizkie erakunde pribatuei, baldin eta aurrekontu-ekitaldi batean



gutxienez 100.000 euroko laguntzak edo dirulaguntzak jasotzen badituzte Bizkaiko Foru Aldunditik, edo urteko diru-sarrera guztien ehuneko 40 Aldundiaren laguntza edo dirulaguntza publikoa bada, betiere gutxienez 5.000 eurora iristen badira.

Era berean, Bizkaiko Gardentasunari buruzko otsailaren 17ko 1/2016 Foru Arauaren 9.1.g) artikulua arabera, Bizkaiko Foru Aldundiak Publiko egin behar du erakunde onuradunari buruz emandako diru-laguntzei buruzko informazioa, diru-laguntzaren zenbatekoa eta xedea, bai eta, hala badagokio, diru-laguntzaren helburuak behar bezala betetzen direla gainbegiratzeko egindako kontrol-ekintzak era. Informazio hori Gardentasun Arauan araututako Gardentasun Atarian argitaratu beharko da.

15. oinarria. — Laguntzen kontrola

1. Onuradunek onargarritasun betekizunak eta foru dekretu honetan ezarritako baldintzak betetzen dituztela egiaztatzeko, Bizkaiko Foru Aldundiaren Ingurune Naturala eta nekazaritza sustatzeko Sailak administrazio kontrolak, monitorizazio kontrolak eta baldintzen kontrolak egingo ditu, honako arau hauetan ezarritakoaren arabera: Europako Parlamentuaren eta Kontseiluaren 2021/2116 (EB) Erregelamendua, 2021eko abenduaren 2koa, nekazaritza-politika bateratuaren finantzaketari, kudeaketari eta jarraipenari buruzkoa eta 1306/2013 (EB) Erregelamendua indargabetzen duena; 1047/2022 Errege Dekretua, abenduaren 27koa, Nekazaritza Politika Erkideko plan estrategikoko eta beste laguntza batzuetako esku hartzeen kudeaketari eta kontrolari buruzkoa; 1049/2022 Errege Dekretua, abenduaren 27koa, zuzeneko ordainketak, landa garapeneko eta POSEI programako urteko ordainketa jakin batzuk jasotzen dituzten onuradunek bete beharreko baldintza indartuak eta gizarte baldintzak aplikatzeko arauak ezartzen dituena.

Azalerak monitorizatzeko kontrolak, abenduaren 27ko 1047/2022 Errege Dekretuaren II. tituluko III. kapituluaren araututakoak, Azalerak Monitorizatzeko Sistemaren esparruan lortutako emaitzetan oinarrituko dira, Copernicusen Sentinel sateliteek lortutako datuetatik abiatuta, esku-hartze bakoitzean diruz lagun daitezkeen irizpideei buruzko ondorioak ateratzeko. Monitorizazio bidezko kontrol horien emaitzak osatzeko, diruz laguntzeko irizpideek, konpromisoek edo Sentinel sateliteek emandako informazioarekin monitorizatu ezin diren bestelako betebeharrak eragindako intermantenu-mailako onuradunen % 1eko kontrola egin beharko da, edo balio baliokidea duten beste datu batzuekin, argazki geoetiketatuak barne, esku-hartzeen subentzionagarritasunari buruz ondorioztatzeko garrantzitsuak direnak.

Baldintzazkotasuna betetzen dela egiaztatuko da, abenduaren 27ko 1049/2022 Errege Dekretuan eta unean-unean indarrean dauden kontrol-planetan ezarritakoaren arabera, administrazio-kontrolen bidez, bai eta lagin baten gainean lortutako laguntza-eskabideen tokian tokiko kontrolen bidez ere.

2. Laguntza eskabideak eta ordainketa kontrolatzeko orduan, laguntza emateko ezarritako baldintzak benetan betetzen direla egiaztatuko dela bermatuko da.

Onuradunak baimenduko ditu Bizkaiko Foru Aldundiak ustategian agindutako ikuskapen bisita guztiak eta ezinbestean eman beharko du laguntzaren gainean eskatutako informazio guztia.

16. oinarria. — Zigorrek eta zehapenak aplikatzea eta dirua itzultzeko araubidea

1. Zigorren aplikazioa Nekazaritza Politika Erkidearen Plan Estrategikoan jasotako esku-hartzeetan zigorrek aplikatzeko arauak ezartzen dituen otsailaren 28ko 147/2023 Errege Dekretuan xedatutakoaren arabera arautuko da.

2. Otsailaren 28ko 147/2023 Errege Dekretuaren atariko eta lehenengo tituluaren zehaztutako zigorrek aplikatuko dira, ordena honi jarraituz:

a) Azalerak neurritz gain deklaratzeko zigorrek.

Otsailaren 28ko 147/2023 Errege Dekretuaren 18. artikulua arabera aplikatuko dira. Azalaren gaindeklarazioa kalkulatzeko (laborantza-talde bati dago-kionez), laguntza-eskaeran edo ordainketa-eskaeran aitortutako azalaren eta kontrolen ondoren zehaztutakoaren arteko aldea zati aitortutako azaleraz egingo da, eta bider 100 egingo da.



Gerta daiteke zehaztutako azalera osoaren eta neurri baterako ordainketa eskaeran adierazitako azalera osoaren arteko aldea 0,3 hektareakoa edo handik beherakoa izatea; halakoetan, zehaztutako azalera eta adierazitakoa baliokidetzat joko dira.

- b) Diruz laguntzeko baldintzak, konpromisoak edo bestelako betebeharrak ez betetzea.
- c) Eskabidea epez kanpo aurkeztu izana. Otsailaren 28ko 147/2023 Errege Dekretuaren 12. artikulua araberak aplikatuko da.
- d) Nekazaritzako lurzati guztien azalaren aitorpen osatugabea. Horretarako, eskaera bakarrean deklaraturako azalera globalaren eta deklaratu gabeko lursailen azalera globalaren eta eskaera bakarrean deklaraturako azalera globalaren arteko aldea egongo da. Alde hori % 3tik gorakoa bada, azalaren araberrako laguntzaren zenbatekoa otsailaren 28ko 147/2023 Errege Dekretuaren 13. artikuluan ezarritako ehunekoan murriztuko da, aldearen arabera.
- e) Baldintzazkotasuna ez betetzea, abenduaren 27ko 1049/2022 Errege Dekretuan eta deialdirako onartua izan den eta Euskadin indarrean dagoen Baldintzen Kontrol Planean xedatutakoaren arabera.

3. Ez-betetzea ezinbesteko arrazoiengatik edo otsailaren 28ko 147/2023 Errege Dekretuaren 5. artikuluan aurreikusitako beste inguruabar batzuegatik gertatzen bada, ez da zigorrik ezarriko.

4. Onuradunak laguntza jasotzeko datu faltsuak eman dituela edo behar den informazioa nahita eman ez duela erabakitzen denean, laguntza ukatuko zaio edo osorik kenduko zaio. Emandako dirulaguntza itzuli behar izanez gero, jasotako laguntzaren zenbatekoa itzuli beharko da, bai eta dagozkion berandutze-interesak ere, dirulaguntza ordaintzen denetik itzulketa bidezkoa dela eta, hala badagokio, dirulaguntza kobratzeko eskubidea galtzen dela erabakitzen den egunera arte, 5/2005 Foru Arauaren II. tituluan eta 5/2005 Foru Araua garatzen duen 34/2010 Foru Dekretuaren III. tituluan xedatutakoaren arabera.

Gainera, onuraduna laguntza edo esku-hartze beretik kanpo geratuko da irregulartasuna antzeman den urte naturalean edo laguntza deialdian, eta hurrengo bi urte naturalean edo laguntza deialdietan.

5. Eskatzaile batek beharrezko kontrol guztiak egitea eragozten edo oztopatzen badu, laguntza-eskaera ezetsi egingo da.

6. Kaltetutako laguntzaren zatia baztertu egingo da, baldin eta ikusten bada onuradun batek artifizialki sortu dituela laguntza lortzeko eskatutako baldintzak.

7. Halaber, 147/2023 Errege Dekretuan aurreikusitako zigorrez gain, Nekazaritza Politika Erkidearen kudeaketa-sistema arautzen duen abenduaren 23ko 30/2022 Legearen II. tituluan ezarritako nekazaritza-politika bateratuko laguntzen arloko zehapen-arabidea aplikatuko da.

Horri dagokionez, finantza-kontrolako prozedura ere aplikatuko da, bai eta Foru Administrazioak emandako dirulaguntzen araubide juridiko orokorra arautzen duen maiatzaren 31ko 5/2005 Foru Arauan eta Bizkaiko Foru Aldundiaren martxoaren 23ko 34/2010 Foru Dekretuan (Dirulaguntzen Erregelamendua onartzen duena eta maiatzaren 31ko 5/2005 Foru Araua garatzen duena) ezarritako itzulketen, arau-hausteen eta administrazio-zehapenen araubidea ere, oinarri hauetan araututako laguntzei aplikagarri zaien Europako Erkidegoko edo Estatuko araudian xedatutakoaren aurka ez doan guztian.

Itzultzen diren zenbatekoak zuzenbide publikoko diru sarrera izango dira, legezko ondorioetarako.

Kasu guztietan aplika dakiekeen berandutze-interesa 5/2005 Foru Arauaren 34. artikuluan ezarritakoa izango da.

**17. oinarria. — Baldintzak aldatzea eta laguntzak ordaintzea**

1. Gerta daiteke dirulaguntzak emateko ebazpena aldatu behar izatea: batetik, laguntzak emateko kontuan hartu diren baldintzetan edozein aldaketa gertatu denean, baina laguntzaren xedea betetzat jotzen bada betiere; bestetik, eta hala badagokio, diruz lagundu daitekeen gehieneko kopurua gainditzen denean laguntzarekin batera beste dirulaguntza batzuk lortu direlako. Ondorio horietarako, Ingurune Naturala eta nekazaritza sustatzeko sailak dagokion aldaketa-ebazpena emango du, emandako dirulaguntzen zenbatekoak doitzeko.

2. Laguntzak eman ziren helburuak bete direla egiaztatu ondoren ordainduko dira laguntzak. Landa Garapeneko Zerbitzuak baldintza horiek betetzen direla egiaztatzen duen bitartean, eskatzaileei beharrezkotzat jotzen duen edozein agiri edo argibide eskatu ahal izango die.

Dokumentazio hori jaso ondoren, Landa Garapeneko Zerbitzuko langileek dokumentazio hori egiaztatuko dute, eta Landa Garapeneko Programan eta dirulaguntzaren xedeari buruzko oinarri arautzaile hauetan jasotako ikuskapenak eta kontrolak egingo dituzte. Ekintza horiek dirulaguntzaren justifikazio-kontu gisa jardungo dute, eta ez da beharrezkoa izango, dirulaguntzaren izaera eta xedea kontuan hartuta, dirulaguntzaren memoria ekonomikoa aurkeztea, Dirulaguntzei buruzko Foru Erregelamendua onartzen duen martxoaren 23ko 34/2010 Foru Dekretuaren 57.3 artikuluan xedatutakoaren arabera.

Egiaztapen hori amaitutakoan, Landa Garapeneko Zerbitzuak txosten bat egingo du laguntzak emateko ebazpena oinarri gisa, eta ondoren, ordainketa aginduko duordainketa aginduko du.

18. oinarria. — Baztertzeko arrazoiak

Foru dekretu honetan aurreikusitako edozein laguntzaren onuradun guztiek baldintza hauek bete beharko dituzte:

- a) Nekazaritzako edozein laguntza ematean hartutako konpromisoak betetzea edo bete izana.
- b) Onuradunak egunean izan beharko ditu Ogasun Publikoari eta Gizarte Segurantzaren Administrazioari ordaindu beharreko zerga-betebeharrak, kanonak eta kuotak, bai eta Laneko Arriskuen Prebentzioaren arloan ezarritako betebeharrak betetzeari dagozkionak ere.
- c) Itzultze- edo zehatze-prozedurarik ez izatea. Itzulketa- edo zehapen-prozedura batean sartuta ez egotea. Hala badagokio, onuradunei laguntza horiek emateko eta ordaintzeko, ezinbestekoa izango da oraindik izapidetzen ari den edozein itzultze- edo zehapen-prozedura amaitzea.
- d) Elkarre-ustiatze onuradunen kasuan, sexuaren ziozko bereizkeria dela-eta zigor edo administrazioaren arloan inoiz zehapena jaso izana, Emakumeen eta Gizonen Berdintasunerako Legearen arabera.

Ezingo dute inola ere laguntza edo dirulaguntzetan parte hartu eta onuradun izan pertsona fisikoek eta juridikoek honako ustezkoren batean badaude:

- a) Berdintasunerako eta sexuagatiko bereizkeriarik ezerako eskubidea urratzeagatik administrazio-bidean, lanaren arloan edo zigor-bidean zehapen irmoa jaso dutenak.
- b) Xedeak edo helburuak, onartzeko edo sartzeko sistema, funtzionamendua, ibilbidea, jarduna, antolaketa edo estatutuak emakumeen eta gizonen berdintasun-printzipioaren aurkakoak badira.
- c) Emakumeen eta Gizonen Berdintasunerako eta emakumeen aurkako indarkeria matxistarik gabeko bizitzetarako Legearen testuategina onartzen duen martxoaren 16ko 1/2023 Legegintzako Dekretuan, edo Emakumeen eta Gizonen Berdintasun Eragingarritako martxoaren 22ko 3/2007 Lege Organikoan edo foru-arau honetan ezarritako betebeharrak ez betetzea.



Nekazaritza Zuzendaritza Nagusiak egiaztatuko du eskatzaileek baldintza horiek betetzen dituzten, beharrezkoa izanez gero.

19. oinarria. — Bidegabeko ordainketak berreskuratzea

1. Behar ez bezala jasotako laguntzen kasuan, onuradunak zenbateko hori itzuli beharko du, gehi ordainketa eta itzulketa egin arteko epeari dagozkion legeko interesak, Nekazaritza Politika Erkidea eta hari lotutako beste gai batzuk kudeatzeko sistema arautzen duen abenduaren 23ko 30/2022 Legean ezarritakoaren arabera, Europar Batasunaren finantza-interesak eraginkortasunez babesten direla bermatzeko, Europako Parlamentuaren eta Kontseiluaren abenduaren 2ko 2021/2116 (EB) Erregelamenduaren 59.1 artikuluan jasotzen den bezala.

Behar ez bezala ordainduz gero, itzultzeko betebeharra ez da aplikatuko agintari eskudunak berak egindako akats baten ondorioz ordaindu bada, eta onuradunak ezin izan du akats hori zentzuz antzeman.

Hala ere, administrazio-akatsa egiaztatzen bada laguntza jasotzeko eskubidea airtortzen duen administrazio-ebazpenean, ofizioz berrikusiko da, Administrazio Publikoen Administrazio Prozedura Erkidearen urriaren 1eko 39/2015 Legearen V. tituluko I. kapituluaren xedatutakoaren arabera.

2. Ez dira zenbatekoak berreskuratuko, baldin eta onuradun batengandik, laguntza edo esku-hartze lerro bati jarraituz, berreskuratutako behar den zenbatekoa, interesak kenduta, 250 eurotik gorakoa ez bada.

20. oinarria. — Emandako dirulaguntzen publizitatea

Eskabideak betetzearen bidez jasotako datuak Nekazaritza Politika Erkidearen Plan Estrategikoaren aplikazioari eta betekizunei buruzko abenduaren 27ko 1048/2022 Errege Dekretuaren 117. artikuluan xedatutakoaren arabera argitaratuko dira, erakunde ordaintzaileei eta beste organismo batzuei, finantza-kudeaketari, kontuen likidazioari, kontrolei, bermeei eta gardentasunari buruzko arauak dagokienez, eta Bizkaiko Foru Aldundiaren Nekazaritza Zuzendaritzako, Eusko Jaurlaritzako Ekonomiaren Garapen eta Lehiakortasun Saileko, Estatuko edo Europar Batasuneko auditoretza- eta ikerketa-erakundeek tratatu ahal izango dituzte finantza-interesak babesteko.

Dirulaguntza eman duten administrazio-organismoek Bizkaiko Aldizkari Ofizialean argitaratuko dituzte lehia-erregimenean emandako dirulaguntzak, eta honako hauek adieraziko dituzte: deialdia, programa eta zein aurrekontu-kredituri egozten zaizkion, onuraduna, emandako zenbatekoa eta dirulaguntzaren xedea edo helburuak.

Maiatzaren 31ko 5/2005 Foru Arauaren 17. artikuluan ezarritakoarekin bat etorriz, Bizkaiko Aldizkari Ofizialean urtero argitaratuko dira foru dekretu honen babesean ekitaldian emandako dirulaguntzak, 3.000 euro edo gehiagokoak badira.

21. oinarria. — Zehapen-araubidea

1. Nekazaritza-politika erkidearen laguntzen arloko zehapen-araubidea aplikatuko da, abenduaren 23ko 30/2022 Legearen II. tituluan ezarritakoa (30/2022 Legea, Nekazaritza Politika Erkidearen kudeaketa-sistema eta lotutako beste gai batzuk arautzen dituen).

2. Halaber, onuradunak maiatzaren 31ko 5/2005 Foru Arauaren (Foru Administrazioak emandako dirulaguntzen araubide juridiko orokorra arautzen duena) IV. tituluko I. kapituluaren eta Bizkaiko Foru Aldundiaren martxoaren 23ko 34/2010 Foru Dekretuaren (Dirulaguntzei buruzko Erregelamendua onartu eta maiatzaren 31ko 5/2005 Foru Araua garatzen duena) jasotako dirulaguntzen arau-hauste administratibo diren ekintzak edo ez-egiteak eginez gero, zehapen-prozedura bat irekiko da, titulu bereko II. kapituluarekin bat etorriz, betiere Administrazio Publikoen Administrazio Prozedura Erkidearen urriaren 1eko 39/2015 Legean eta Euskal Autonomia Erkidegoko Administrazio Publikoen Zigor Ahalmenari buruzko otsailaren 20ko 2/1998 Legean xedatutakoaren arabera.

Arau-hausteak diruzko zehapenen bidez zehatu ahal izango dira, eta ez diruzko zehapenen bidez, araudi horretan ezarritako kasuetan eta moduan.



3. Dirulaguntzen arloko arau hauste administratiboen erantzuleak izango dira jardunez edo ez jarduteagatik foru arau honetan aipatzen diren arau hausteetako bat egiten duten pertsona fisikoak edo juridikoak, publikoak zein pribatuak, eta maiatzaren 31ko 5/2005 Foru Arau honetako 10. artikuluko 3. idatz zatian aipatzen diren nortasun juridikorik gabeko entitateak, eta ondoko hauek batik bat:

- a) Dirulaguntzen onuradunak eta 5/2005 Foru Arauaren 10. artikuluko 2. idatz zatian eta 3. idatz zatiko bigarren paragrafoan aipatzen diren pertsona eta entitateetako kideak, hartutako konpromisoen arabera dirulaguntzaz baliatuta egin beharreko jarduerak direla eta.
 - b) Entitate laguntzaileak.
 - c) Jarduteko gaitasunik ez duten dirulaguntza onuradunen legezko ordezkariak.
 - d) Dirulaguntzaren xedearekin edo haren justifikazioarekin lotuta dauden pertsonak eta entitateak, 5/2005 Foru Arauaren 41. artikuluan ezartzen denaren arabera lagundu behar dutenak eta eskatutako agiriak aurkeztu behar dituztenak.
4. Zehapenaz gainera, dirulaguntza gisa bidegabe jasotako kopurua itzuli beharko da.

22. oinarria. — Iruzurraren aurka borrokatzea eta interes gatazkak

Batasunaren eta Europako Funtsen kudeaketan inplikaturako administrazioen finantza-interesak babesteko, abenduaren 27ko 1046/2022 eta 1047/2022 Errege Dekretuekin bat etorritik, Bizkaiko Foru Aldundiak iruzurraren aurka borrokatzeko politika indartuko du, NPBrn baterako finantzaturako esku-hartzeen esparruan.

Ondorio horietarako, iruzurtzat hartuko dira indarrean dauden xedapenetan aurreikusitako egintzak edo ez-egiteak (Europar Batasunaren aurrekontu orokorreko funtsak edo Europar Batasunaren izenean kudeatutako aurrekontuak behar ez bezala erabiltzea edo atxikitzea ondorio duten dokumentu edo adierazpen faltsuak, okerrak edo osatugabeak erabiltzea edo aurkeztea; berariazko betebeharrak bat urratuz informazioa ezkutatzea, ondorio berberarekin; edo funts horiek hasiera batean eman ziren helburuetarako ez diren beste helburu batzuetarako behar bezala ez aplikatzea). Horretarako, neurri egokiak hartuko dira iruzurrari aurrea hartzeko (kultura etikoa ezartzea prestakuntzaren bidez, esku hartzeetan arriskua ebaluatzea, funtzioak eta erantzukizunak bereiztea...) eta hura hautemateko (herritarren esku salaketa-kanal bat jartzea, NPBrtik datozen funtsen iruzurrezko erabilerrari buruzko edozein susmo jakinarazteko; bide hori konfidentziala, anonimoa, eraginkorra eta segurua izango da, eta salatzailearen datu pertsonalak uneoro babestuko ditu), bidegabeko ordainketak berreskuratzeko eta zehapenak aplikatzeko, jardueren jarraipena egiteko eta Europako erakundeei eta erakunde judizialei iruzurrak jakinarazteko xedez.

Bestalde, uztailaren 18ko 1046/2018 Erregelamenduko (EB) 61. artikuluan ezarritakoaren arabera, interes gatazka gerta daiteke aurrekontua gauzatzen duten finantza eragileek, prestakuntza egintzak barne, beren eginkizunen erabilera inpartzial eta objektiboak arriskuan ikusten badituzte, familia, afektibitate, hurbiltasun politiko, interes ekonomiko edo norberaren interesekoa den beste edozein arrazoiengatik. Hori horrela, gardentasunaren alde egingo da laguntzen kudeaketan, gerta daitezkeen interes gatazkei aurre egiteko estrategiak eta neurriak ezarriz, Europar Batasunaren baldintzekin eta indarrean dagoen Europar Batasuneko arautegiarekin bat etorritik.

III. KAPITULUA

DEIALDIA

23. oinarria. — Aurkezteko epea eta tokia

Laguntza-eskabideak aurkezteko epea bat etorriko da 2024ko Eskaera Bakarra aurkezteko ezarritako datekin, eta laguntza-eskabideak 2024ko Eskaera Bakarraren modalitatean txertatuko dira, eskaera horretarako ezarritako datekin bat etorritik, zuzeneko ordainketa moduko esku-hartzei eta SIGCren pareko landa-garapenerako esku-hartzei dagozkien gainerako laguntzekin batera, abenduaren 27ko 1048/2022 Errege Dekretuak,



2023tik aurrera zuzeneko ordainketa bidezko esku-hartzeak aplikatzeari eta PEPACen esparruan betekizun komunak ezartzeari buruzkoak, eta kudeaketa- eta kontrol-sistema integratuaren Eskaera Bakarra arautzeari buruzkoak, ezarritakoaren arabera.

Eskaera egiteko epea automatikoki luzatuko da, eta, hala badagokio, eskaera bakar-
ra egiteko epea luzatzen den neurri berean.

Behin eskaera bakarra aurkezteko epea amaituta, nekazariak esku hartze berriak aldatu edo sartu ahal izango dituzte, eskaera bakar-
ra aldatzeko epea amaitu arte.

Ezarritako epemuga igaro ondoren aurkeztu bada laguntza-eskaera, % 1eko mu-
rrizketa izango da egun baliadun bakoitzeko onuradunak eskubidea izan zezakeen zen-
batekoetatik, baldin eta eskaera ezarritako epean aurkeztu bada. Atzerapen hori eskaera
bakarra aldatzeko epea amaitzen den eguna baino luzeagoa bada, eskaera onartezin-
tzat joko da eta onuradunari ez zaio laguntzarik emango.

Behin eskaera bakar-
ra aurkezteko epea amaituta, nekazariak aukera izango dute es-
kaera bakar-
ra aldatzeko epea amaitzen den egunera arte esku-hartze berriak aldatzeko
edo sartzeko.

Eskaera aldatzeko epea amaitu ondoren, aukera ematen da nekazariak eskaera ba-
karra urte bakoitzeko abuztuaren 31ra arte egokitzeko eska dezaten, atariko kontrolen,
administrazio-kontrolen edo monitorizazio-kontrolen emaitzen ondorioz. Euskal Autono-
mia Erkidegoak eskaera bakar-
ra bere jarduera-eremuan egokitzeko epea luzatu ahal
izango du, Europar Batasuneko erregelamenduek baimendutako gehieneko epearen
barnean, eta aldez aurretik Nekazaritza Bermatzeko Espainiako Funtsari jakinarazpen
arrazoitua eginda.

Ezin izango da laguntza-eskaera egokitu edo guztiz edo zatiz erretiratu agintari es-
kudunak nekazariari jakinarazi dionean azaleren monitorizazio sistema edo administra-
zio kontrolak ez diren beste bitarteko batzuen bidez jakinarazitako eskaera bakar-
rean ez-betetze kasuak daudela, edo jakinarazi dionean tokian bertan kontrol bat egiteko
asmoa duela edo monitorizatu ezin den baldintza bat egiaztatzeko asmoa duela, edo,
lurraren gainerako kontrol batek edo monitorizatu ezin den betekizun baten egiaztapenak
agerian utzi badu ez-betetze kasu bat, ez da onartuko ez-betetzeak eragindako alder-
diak erretiratzea.

Onuradunak aurkeztutako laguntza-eskabideak, ordainketa-eskabideak eta edozein
egiaztagiriko edozein unetan zuzendu eta aldatu ahal izango dira, aurkeztu eta gero, bal-
din eta agintari eskudunak kasu jakin horren ebaluazio orokorrari buruzko akats nabaria
atzematen badu eta onuradunak fede onez jokatu badu.

Laguntza eskaera bakoitzean, datuak zuzen betetzeaz gain, eskatzailearen adieraz-
pen bat aurkeztuko da; adierazpen horretan honakoak jasoko dira:

- Laguntza emateko baldintzak ezagutzea.
- Ez duela debekurik deialdiaren laguntzen onuradun izateko, dirulaguntzen arau-
dian oinarrituta.
- Ez duela beste nekazaritza-laguntzarik eskatu helburu bererako.

Aurreko paragrafoan ezarritakoa betetzeko, Nekazaritzako Zuzendaritza Nagusiko
Landa Garapeneko Zerbitzuak hitzordu bana emango dio pertsona bakoitzari, dagokion
bulego kudeatzaileari joan dadin. Aurretik eskaera bakar-
ra egin ez duten eskabide be-
rrien kasuan, hitzordua eskatu beharko dute dagokion Eskualdeko Nekazaritza Bule-
goan edo Landa Garapeneko Zerbitzuan (Lehendakari Agirre Etorbidea 9, Bilbo).

24. oinarria. — Aurkeztu beharreko agiriak

Pertsona Fisikoen Errentaren gainerako Zergaren (PFEZ) aitorpenean nekazaritza-jar-
dueratik eratorritakoak ez diren lan-etekinak edo jarduera ekonomikoaren etekinak egotzi
bazaizkio, erakunde ordaintzailearen egiaztagiriko bat aurkeztuko da, eta bertan adieraziko
da besteren kontura lan egiten duen urteko ordu-kopurua edo lanaldi-mota, edo Errenta-
ren gainerako Zergaren aitorpenari dagokion ekitaldi fiskal berean nekazaritza-ustategia-
rekin zuzenean lotuta ez dauden jardueretan emandako lan-denboraren erantzukizunpe-
ko adierazpena (pertsona juridikoen kasuan, sozietateko kide bakoitzarena).



25. oinarria. — Eskabidea zuzentzea edo hobetzea

Eskabidean edo harekin batera aurkeztu beharreko dokumentazioan identifikazio-daturik ez badago, akatsen bat badago edo datu horiek osatugabeak badira, eskatzaileari eskatuko zaio hamar egun balioduneko epean antzemandako akatsak zuzentzeko, Administrazio Publikoen Administrazio Prozedura Erkidearen urriaren 1eko 39/2015 Legearen 68.1 artikuluan ezarritakoaren arabera, eta jakinaraziko zaio, halaber, hala egin ezean, eskaeran atzera egin duela ulertuko dela, lege-testu horren 21.1 artikuluan aurreikusitako moduan.

26. oinarria. — Aurrekontu-zainpeketa

1. Foru dekretu honen babesean, 2024rako dirulaguntzak deitzen dira, lehia askeko erregimenean, mendialdeetan eta mendialdeez bestelako muga natural esanguratsuak dituzten eremuetan konpentsazio-laguntzak emateko, 2. oinarrian xedatutakoaren arabera.

2. Dirulaguntza horien zenbateko bateratuak ezin izango du gainditu 414104 programaren aurrekontu-zuzkiduren zenbatekoa (nekazaritzako ustiategiak eta gaikuntza arrazionalizatzea, 2. atala, kontzeptuak, 443.00 eta 449.00 2007/0605 proiektua), ez eta, indarrean dagoen legeriaren arabera aurrekontu-aldaketak onartuz gero, horiek eguneratzearen ondoriozkoak ere.

2024ko ekitaldirako 2.554.922 euroko aurrekontu-zuzkidura zainpetu da, honako kontzeptu hauetan banatuta:

Kudeaketa zentroa Centro gestor	Programa Programa	Sailkapen ekonomikoa Clasificación económica	Zenbatekoa Importe (€)	Ekitaldia Ejercicio	Gastu proiektua Proyecto de gasto	Zenbatekoa Importe (€)
0202 SERVICIO DE DESARROLLO RURAL	414104	443.00 449.00	2.006.367 548.555	2024	2007/0605	2.554.922

Hala ere, ebatzitako eskabideak kontuan hartuta, eta pertsona eta erakunde onuradunak era askotakoak izan daitezkeenez, Foru Dekretu honen bidez ezarritako izendapenak foru dekretu honetan azaldu diren ildo eta partiden artean banatu ahal izango dira, Foru Agindu bidez

Dirulaguntzak ematea ukatu ahal izango da, baldin eta esleitu behar diren aurrekontuko diru-izendapen eguneratuak agortzen badira, eta dirulaguntza berriak ematea bertan behera geratuko da

Indarrean dagoen legerian ezarritakoaren arabera, deialdi honetan aplikatzeko zenbateko gehigarri gisa hartuko dira Dirulaguntzei buruzko Erregelamendua onartzen duen martxoaren 23ko 34/2010 Foru Dekretuaren 43. artikulua aplikatuz erabilgarri dauden kredituak, 1.000.000 euroko gehieneko zenbatekora arte. Foru Agindu bidez, kreditu erabilgarrien deklarazioa eta behin betiko banaketa argitaratuko dira, dirulaguntzak emateko ebazpena eman baino lehen, baina horrek ez du ekarriko eskabide berriak aurkezteko epea irekitzea



I. ERANSKINA / ANEXO I
BIZKAIKO MENDI NEKAZARITZAKO UDALERRIEN ZERRENDA, 2023-2027 NPB-EN
PLAN ESTRATEGIKOAREN MUGAKETAREN ARABERA
RELACIÓN DE MUNICIPIOS DE AGRICULTURA DE MONTAÑA EN BIZKAIA
SEGÚN LA DELIMITACIÓN DEL PLAN ESTRATÉGICO DE LA PAC 2023-2027

Kodea / Cod	Izena / Nombre	Mota / Tipo
001	ABADIÑO	M
002	ABANTO-ZIERBENA	M
911	AJANGIZ	M
912	ALONSOTEGI	M
003	AMOREBIETA – ETXANO	M
004	AMOROTO	M
005	ARAKALDO	M
006	ARANTZAZU	M
008	ARTZENTALES	M
093	AREATZA	M
009	ARRANKUDIAGA	M
914	ARRATZU	M
010	ARRIETA	M
011	ARRIGORRIAGA	M
023	ARTEA	M
091	ATXONDO	M
070	AULESTI	M
012	BAKIO	M
090	BALMASEDA	M
013	BARAKALDO	M
092	BEDIA	M
016	BERANGO	M
017	BERMEO	M
018	BERRIATUA	M
019	BERRIZ	M
020	BILBO	M
021	BUSTURIA	M
022	KARRANTZA HARANA	M
901	DERIO	M
026	DIMA	M
027	DURANGO	M
028	EA	M
031	ELANTXOBE	M
032	ELORRIO	M
902	ERANDIO	M
033	EREÑO	M
034	ERMUA	M
079	ERRIGOITI	M
029	ETXEBARRI	M
030	ETXEBARRIA	M
906	FORUA	M



Kodea / Cod	Izena / Nombre	Mota / Tipo
036	GALDAKAO	M
037	GALDAMES	M
039	GARAI	M
040	GATIKA	M
041	GAUTEGIZ ARTEAGA	M
047	GIZABURUAGA	M
042	GORDEXOLA	M
043	GORLIZ	M
045	GÜEÑES	M
046	GERNIKA-LUMO	M
048	IBARRANGELU	M
094	IGORRE	M
049	ISPASTER	M
910	IURRETA	M
050	IZURTZA	M
907	KORTEZUBI	M
051	LANESTOSA	M
052	LARRABETZU	M
055	LEMOA	M
056	LEMOIZ	M
903	LOIU	M
059	MAÑARIA	M
058	MALLABIA	M
060	MARKINA-XEMEIN	M
061	MARURI-JATABE	M
064	MEÑAKA	M
062	MENDATA	M
063	MENDEXA	M
066	MORGA	M
068	MUNDAKA	M
069	MUNGIA	M
007	MUNITIBAR-ARBATZEGI-GERRIKAITZ	M
908	MURUETA	M
071	MUSKIZ	M
067	MUXIKA	M
909	NABARNIZ	M
073	ONDARROA	M
074	URDUÑA	M
075	OROZKO	M
072	OTXANDIO	M
082	SANTURTZI	M
904	SONDIKA	M
086	SOPUERTA	M
076	SUKARRIETA	M
087	TRUCIOS-TURTZIOZ	M



Kodea / Cod	Izena / Nombre	Mota / Tipo
088	UBIDE	M
065	UGAO-MIRABALLES	M
089	URDULIZ	M
080	VALLE DE TRAPAGA-TRAPAGARAN	M
095	ZALDIBAR	M
096	ZALLA	M
905	ZAMUDIO	M
097	ZARATAMO	M
024	ZEANURI	M
025	ZEBERIO	M
913	ZIERBENA	M
915	ZIORTZA-BOLIBAR	M

Leyenda:
M: Zona de Montaña
D: Zona desfavorecida



II. ERANSKINA / ANEXO II

BIZKAIAN MENDIKOEZ BESTALDEKO MUGA ESANGURATSUAK DITUZTEN UDALERRIEN
ZERRENDA, 2023-2027 NPB-EN PLAN ESTRATEGIKOAREN MUGAKETAREN ARABERA
RELACIÓN DE MUNICIPIOS EN BIZKAIA DE ZONAS CON LIMITACIONES SIGNIFICATIVAS
DISTINTAS DE LAS DE MONTAÑA SEGÚN LA DELIMITACIÓN
DEL PLAN ESTRATÉGICO DE LA PAC 2023-2027

Kodea / Cod	Izena / Nombre	Mota / Tipo
015	BASAURI	D
035	FRUIZ	D
053	LAUKIZ	D
054	LEIOA	D
057	LEKEITIO	D
083	ORTUELLA	D
077	PLENTZIA	D
078	PORTUGALETE	D

Leyenda:
M: Zona de Montaña
D: Zona desfavorecida